

JOU 5

MESAJE
MISYON AN

JAN 17: 1-26
OU MENM AVÈK MWEN





JOU 5 - ANALIZ JENERAL AK SESYON ENTWODIKSYON

Byenvini: Lè w ap akeyi timoun yo nan fen lekòl biblik vakans lan Mesaje Pou Jezi yo, li enpòtan pou w kreye yon ton selebrasyon ki atiran. Timoun pap sèlman mete fen ak semèn lekòl biblik yo a, men tou y ap kòmanse faz defi sa kòm disip Jezi, mesaje misyon an. Genyen kèk ministè petèt ki ta kapab prefere itilize yon pwogram kèlkonk pou dènye sware a, li menm ki kapab genyen ladan li yon sesyon po pouri entwodiksyon ak konklizyon. San gade kisa ki plan li, kòmanse jou a avèk yon chan Mesaje Pou Jezi se yon bèl opsyon.

Salitasyon: Pran yon ti tan pou w' di timoun yo byenvini, pandan w'ap di kijan w' kontan dèske yo vini. Prezante tèt ou, prezante lidè chak departman yo, chak volontè ak manm pèsònèl yo. Si gen paran oubyen gid ki prezan, mande pou lidè ou yo, volontè ak manm pèsònèl yo monte sèn nan ansanm avèk ou pou prezantasyon an.

Lapriyè Entwodiksyon: Envite Kris la nan lekòl biblik vakans ou a pou w kòmanse sesyon an atravè lapriyè. Mande pou pastè prensipal la fè dirije lapriyè sa.

Tèm ak fondman Biblik Mesaje pou Jezi yo: Prezante tèm prensipal lekòl biblik la. Di timoun yo ke semèn sa yo pral aprann osijè de plizyè mesaje diferan ke Jezi itilize yon fason pou ede yo aprann plis de Li, epi kòman yo menm tou yo kapab vin tounen mesaje pou Jezi. Sa se pral yon moman espesyal tou pou prezante yo pasaj biblik ki pral itilize kòm fondman mesaje Pou Jezi yo, 2 Korentyen 5:20a, "Konsa, nou se anbasadè pou Kris".

Tèm jou a avèk Baz Biblik la: Pataje tèm senkyèm jou a avèk timoun yo. Mesaje Misyon an, menm jan ak Baz Biblik senkyèm jou a, limenm ki twouve li nan liv Jan.

Adorasyon atravè Kantik: Apre w' fin prezante tèm jounalye a avèk baz biblik la, sa se yon moman espesyal pou w' fè timoun yo louwe ak adore. Toudepann de jan planifikasyon jou final lekòl vakans biblik la, chante kèk kantik Mesaje Pou Jezi kapab ede timoun yo santi yo kontan anpil epi konsa, demontre sa yo te aprann pandan semèn nan.

Sketch Entwodiksyon: Prezante sketch jou a pandan w ap li pawòl sa yo: Pandan semèn sa, Mesaje yo te pataje plizyè bagay enpòtan avèk nou. Yo te pale nou de kilès Jezi ye ak rezon ki fè ke Li vle pou nou chak vin tounen Mesaje li. Nou deja rekonèt plizyè nan Mesaje li yo epi koute mesaj ke yo te resewva apèl pou yo te pote yo. Mesaje yo travay pou Katyemèt, chèf ki la pou remèt mesaj pou Jezi yo chak fwa ke genyen mesaj ki enpòtan, sèvis remisyon mesaj pou Jezi pa genyen konparezon. Jodi a ankò nou rankontre avèk Katyemèt epi nan okazyon sa nou pral rekonèt Vòldirèk. Vòldirèk se yon mesaje ki menm jan avèk anpil nan timoun ki prezan la. Kè Vòldirèk grandi avèk Jezi epi li vle aprann pi plis toujou de Li. Ann swiv Katyemèt ak Vòldirèk avèk anpil atansyon pou nou kapab konnen ki mesaj enpòtan ki dwe bay jounen jodi a.

Pwojè Ofrann Misyonè: Prezante pwojè Ofrann misyonè Timoun yo ki gen pou wè ak ane sa. Ou kapab pwofite moman sa pou w' ranmase ofrann ke timoun yo te pote yo.

Sesyon Konklizyon: Fason w ap fèmen sesyon sa ap depann de estrikti ou itilize nan Jou 5. Planifye fason ki apwopriye a.

JOU 5 - SKETCH ENTWODIKSYON



JOU 5 - SKETCH ENTWODIKSYON - VÖLDIRÈK - MESAJE POU JEZI!

Sketch entwodiksyon pou Mesaje Jezi yo te kreye nan lide pou prezante tèm ak istwa bibliik jounalye yo bay timoun yo. Yo pral sèvi tou pou fè timoun yo patisipe nan chak evènman. Paj obsèvasyon jeneral ak sesyon entwodiksyon an, ni nan gid direktè tankou nan gid lidè a, genyen yon entwodiksyon pou chak sketch. Li entwodiksyon sa anvan chak sketch.

Sa se sketch final la. Kat premye jou lekòl bibliik vakans yo te base sou yon sketch entwodiksyon ak yon konklizyon. Sepandan, genyen kèk ministè pou timoun petèt ki prefere itilize yon fòm diferan pou dènye jou Mesaje Pou Jezi yo epi san itilize yon sesyon konklizyon. Se sa ki fè ke, sa se dènye sketch senkyèm jou a. Konklizyon ki te nan sketch chak jou yo parèt anndan sketch entwodiksyon an.

Prepare Sèn Nan

Chak sketch entwodiksyon pran plas nan Biwo Kòmandman Santral Sèvis pou Remisyon mesaje Pou Jezi yo. Se Katyemèt k'ap dirije kalite sèvis sa epi l'ap sèvi pou bay mesaj enpòtan ki soti nan Jezi yo. N'ap toujou jwenn Katyemèt la k'ap travay di dèye biwo Kòmandman Santral la. Se la n'ap resevwa tout mesaj enpòtan yo.

Sketch Entwodiksyon

Nan kòmansman Jou 1, Katyemèt la byen okipe nan travay li nan Kòmman Santral la lè li tande son yon mesaj ki antre pou li anonse (chwazi yon son ki pou sèvi pou reprezante alam Sèvis mesaj ki antre yo; li kapab son telefòn ou oubyen nenpòt kalite son ki kapab kapte atansyon timoun yo). Alam nan ap fè Katyemèt la konnen ke li resevwa yon mesaj enpòtan. Katyemèt la reponn alam nan.

Katyemèt – (Li ta bon pou Katyemèt ta genyen kas, men w'ap kapab itilize nenpòt kalite telefòn. Sèn nan kòmanse yon fwa Katyemèt reponn apèl la lè li fin tande son alam nan). W'ap kominike avèk Sèvis Remisyon Mesaje pou Jezi yo. Mesaj ou a se pi gwo priorite nou. Se Katyemèt la k'ap pale avèk ou la, kòmman mwen kapab ede w'? (Katyemèt koute avèk anpil atansyon epi resevwa mesaj la, li montre li byen kontan). Wow! Ala yon gran nouvèl sa! (Kòm diferans de sa avan yo, Katyemèt pa pran nòt mesaj la. Okontrè, li leve kanpe epi kontinye koute moun ki rele l la). M ap pran responsablite m pou m bay mesaj sa tou swit. Y ap kontan anpil lè yo pran nouvèl sa. Mèsi anpil! (Katyemèt mete fen ak konvèsasyon an epi li pa ka pran san li pou l kontakte Vòldirèk. Olye pou li itilize sistèm entèkominikasyon an, li kòmanse rele byen fò) Vòldirèk! Vòldirèk! Kouri vini, tanpri!

Vòldirèk – (Kouri antre nan sèn nan) Men mwen wi, Katyemèt. Èske se kèk moun ki rele pou pwofite espesyal nou genyen pou jodi a?

Katyemèt – Non, yo pa fè li. Men mwen genyen yon mesaj ki byen enpòtan pou w al bay!

Vòldirèk – (Vòldirèk sanble pa dekouvri kalite emosyon Katyemèt te montre atravè vwa li; okontrè, sanble li t ap panse ak lòt bagay). Banm wè si mwen se mesaje ki dwe pote twazyèm mesaj la pou yon moun jodi a, sa ki gratis la, malgre sa, yo ban m fè li? (Vòldirèk kontinye) Se pa paske mwen nwi pou m fè devwa m non, men mwen sèten ke kontra m nan klè. Li di ke si mwen bay yon mesaj, yo dwe peye m pou mwen fè li ebyen . . .

Katyemèt – (Katyemèt sispann Vòldirèk nan mitan fraz la) Vòldirèk! Mwen bezwen atansyon w.

Vòldirèk – A, wi, padon. Kisa w bezwen?

Katyemèt – Men wi. Mwen te rele w, pa vre.

Vòldirèk – Men wi. Ban m wè, kòmman dosye mesaj gratis sa ye menm?



JOU 5 - SKETCH ENTWODIKSYON

Katyemèt – Vòldirèk, pa enkyete w pou sa. Y ap peye w menm jan pou chak mesaj ou bay. Men, kounye a mwen vle pou ou konsantre ou.

Vòldirèk – Pou mwen konsantre mwen? Men wi, mwen kapab konsantre mwen. Kisa mwen kapab fè pou ou?

Katyemèt – Mwen genyen yon mesaj ki vrèman enteresan e mwen konnen ke w ap kontan anpil lè ou konnen de kisa li pale.

Vòldirèk – Ebyen, pale non. Di m sou kisa mesaj enteresan sa pale.

Katyemèt – Mwen apèn sot resevwa yon apèl ki soti nan biwo Santral Mesaje pou Jezi yo.

Vòldirèk – Biwo santral? Kisa yo te bezwen? Sa yo se moun enpòtan! Chèf nou yo! Yo menm ki di nou sa nou dwe fè! (Yon lòt fwa ankò, Vòldirèk pèdi konsantrasyon li). Ay, non. Kisa li di ki mal? Kite m reflechi. (Vòldirèk montre li enkyete). Pa panse ke yo pran nouvlè lè yon fwa mwen te . . .

Katyemèt – Vòldirèk! Konsantre w!

Vòldirèk – Pou m konsantre m? An, wi, padon (Vòldirèk montre li wont). Sa vle di, yo rele depi nan biwo santral yo. Mwen imajine mwen ke yo genyen bon nouvlè. (Vòldirèk pale avèk yon ton ki montre ke li pa gen twòp konfyans)

Katyemèt – Poutan, se vre! Se bon nouvlè!

Vòldirèk – (Montre li respire byen) Bravo. Bon, ki nouvlè li ye?

Katyemèt – Èske w sonje gran envantè nou te fè mwa pase a?

Vòldirèk – Èske w fè referans ak tout prèv yo te fè nou pran yo?

Katyemèt – Wi, prèv sa yo. Pliske prèv sa yo te fè pati de yon envantè tout konpayi yo ki genyen tout biwo Mesaje pou Jezi yo. Epi ou konnen?

Vòldirèk – Kisa?

Katyemèt – Biwo Mesaje pou Jezi nou an te resevwa kalifikasyon ki pi wo.

Vòldirèk – Se vre?

Katyemèt – Se konsa menm!

Vòldirèk – Kisa sa siyifi?

Katyemèt – Sa vle di ke biwo nou an fè pati biwo entènasyonal.

Vòldirèk – Biwo entènasyonal?

Katyemèt – Wi. Sa vle di ke biwo Mesaje Pou Jezi sa resevwa konfyans ak lonè pou bay mesaj konpayi a ki plis enpòtan yo, non sèlman nan rejyon peyi pa nou an, men pito nan tout mond lan!

Vòldirèk – Ala yon bon nouvlè sa! Li vrèman bon!

Katyemèt – Ou menm avèk mesaje parèy ou yo te travay di anpil. Nou te bay tout mesaj yo te konn voye nou al bay yo epi nou te konn fè li avèk pi bon kalite. Biwo santral yo santi yo fyè epi ban nou lonè sa pou di nou ke yo genyen anpil konfyans nan nou (Katyemèt fè yon ti poze). Genyen yon bagay ankò.

JOU 5 - SKETCH ENTWODIKSYON



Vòldirèk – De kisa li pale?

Katyemèt – Yo mande mwen pou m aksepte yon nouvo pozisyon nan biwo santral la tou.

Vòldirèk – Trè byen! Mwen byen kontan pou ou. Men sa vle di ke ou pral abandone nou, pa vre?

Katyemèt – Se sa menm. Men mwen pa vle pou w enkyete w.

Vòldirèk – Men, mwen yon ti jan enkyete.

Katyemèt – Èske konnen kilès Jezi ye?

Vòldirèk – Wi, mwen konnen kilès Jezi ye. Pandan nou te genyen lekòl biblik vakans lan, mwen t ap koute istwa chak jou yo. Mwen te aprann anpil bagay osijè de Jezi ak mesaj li yo. Li genyen tout kalite mesaj.

Katyemèt – Se kòrèk. Jezi prepare Mesaje Li yo avèk zouti ke yo bezwen pou yo pataje Bon Nouvèl la nan mond lan. Sa te pase nan lekòl biblik la tou avèk timoun nou yo (Katyemèt gade timoun yo). Timoun sa yo resevwa preparasyon pou yo vin mesaj Jezi. Yo resevwa antrènman. Kounye a yo pare pou yo ale nan misyon an epi pataje Bon Nouvèl Jezi a avèk mond lan.

Vòldirèk – Se enteresan! Men mwen kontinye ak prewokipasyon an pou ou menm ki prale a pou tout bagay ki pral pase lè w pa la.

Katyemèt – Èske w pral tande istwa biblik jodi a?

Vòldirèk – Kòman non.

Katyemèt – Trè byen. Mwen kwè ke apre w fin koute istwa jodi a, w ap santi w miyò.

Vòldirèk – Poukisa?

Katyemèt – Istwa jodi a se osijè de yon lapriyè ke Jezi te fè. Jezi te pase plizyè ane ansanm ak disip li yo, men moman te rive kote ke Li te dwe kite yo pou l te retounen al jwenn Papa Li nan syèl la.

Vòldirèk – Li te dwe kite yo? Sa sanble ak sitiyasyon pa nou an.

Katyemèt – Kòrèk. Jezi te priye pou disip li yo paske li te konnen ke yo te gen pou yo te enkyete pou chanjman ki ta gen pou fèt yo. Men Li menm tou li te konnen ke yo te pare pou kòmanse avèk misyon yo a. Li te konnen ke san gade defi yo ta gen pou yo fè fas, Bondye ta toujou la avèk yo. Ou konnen yon bagay, Vòldirèk?

Vòldirèk – Kisa?

Katyemèt – Mwen menm tou, mwen te priye pou ou ak mesaj parèy ou yo.

Vòldirèk – Se vre?

Katyemèt – Wi. Mwen te konnen ke gen yon jou ki ta gen pou rive kote fòk mwen ta kite nou. Epi mwen te priye pou ke lè jou sa ta rive, Bondye ta kontinye beni nou pandan n ap bay mesaj enpòtan yo va mande nou bay yo.

Vòldirèk – Mwen kontan tande sa, Katyemèt. Sèlman non sèlman w ap kite nou, men tou, biwo nou an pral yon biwo entènasyonal. Mwen pa kwè ke n ap kapab fè li san ou menm



JOU 5 - SKETCH ENTWODIKSYON AK SESYON KONKLIZYON

Katyemèt – Nou tout genyen gwo defi devan nou. Mwen yon ti jan prewokipe pou nouvo travay mwen an. Se yon responsablite ki pi gwo pou mwen. Anplis de sa, mwen gen pou m di nou tout orevwa.

Vòldirèk – Èske w panse w ap kapab reziste ak tout chanjman sa yo nan lavi ou?

Katyemèt – Wi, se konsa mwen kwè li. Epi èske w konnen poukisa?

Vòldirèk – Poukisa?

Katyemèt – Paske mwen mete konfyans mwen nan pouvwa Bondye. Mwen konfyans ke L'ap toujou avèk mwen. Epi mwen konfyans ke L'ap toujou avèk ou epi ansanm ak rès mesaje yo.

Vòldirèk – Bon, malgre sa, mwen toujou rete ak prewokipasyon an. Men mwen konnen ke sa w di m nan se verite (Kounye a, Vòldirèk dirije li bò kote timoun yo). Nou tout nou genyen yon misyon, men n ap sèvi yon gwo Bondye. Epi san enkyete nou de sa ki kapab pase nan dewoulman misyon nou an, Li va toujou avèk nou. Bondye genyen yon misyon pou nou chak jodi a. Misyon nou se bay mond lan temwayaj osijè de Jezi. Èske nou pare pou nou aksepte misyon sa? (Ankouraje timoun yo reponn pozitivman.)

Katyemèt – Bon, Vòldirèk, nou genyen anpil bagay pou nou fè la. Mwen bezwen pou w remèt mesaj sa ak lòt mesaje yo. Èske w kapab akonpli misyon sa?

Vòldirèk – Wi, mwen kapab (Vòldirèk kouri kite sèn nan.)

Lidè – Genyen anpil chanjman k ap vini pou Mesaje yo. Epi genyen anpil chanjman k ap vini pou nou tout. Jodi a menm yo pral mande nou pou nou vin konvèti an mesaje misyon an. Misyon nou se pral pataje mesaj Jezi a avèk mond lan.

Sesyon Konklizyon

Byenvini: Lè timoun yo retounen pou sesyon konklizyon an, mande lidè mizik ou a pou l' fè timoun yo chante youn nan chan Mesaje pou Jezi yo.

Salitasyon: Di timoun yo byenvini nan sesyon konklizyon an. Sa se moman ki pi espesyal pou w repase lesou ak timoun yo sa ke yo te aprann nan Istwa Biblik senkyèm jou a—Ou menm avèk mwen—Jezi priye pou Mesaje Misyon an. Repase istwa a epi mande timoun yo pou aspè enpòtan lesou an. Ou menm tou ou kapab mande pou kèk nan timoun yo resite Vèsè Pou aprann senkyèm jou a, Ezayi 6:8 oubyen tèm senkyèm jou a: Mesaje Misyon an.

Sketch Konklizyon: Petèt genyen kèk nan ministè yo ki itilize fòm ki diferan pou dènye jou lekòl biblik la. Epi li posib pou yo pa mete sesyon konklizyon an ladan li. Se sa ki fè ke, sketch entwodiksyon senkyèm jou a pral san parèy. Konklizyon ki genyen tout popouri jou ki pase yo ap andedan sketch entwodiksyon an.

Pwojè Ofrann Misyonè: Ankouraje timoun yo pataje avèk zanmi ak fanmi yo osijè de sa ke yo te aprann sou pwojè Ofrann Misyonè Timoun Jwenn Timoun yo.

Fen Sesyon konklizyon an: Pi bon fason pou nou mete fen ak yon sware lekòl biblik se pandan n'ap chante yon kantik. Aprè kantik la, pran yon ti tan ankò pou w' pataje tèm nan ak lesou kle ki te anseye yo ansanm ak timoun yo pandan jounen an. Fè pase nenpòt anons enpòtan ni pou timoun yo tankou lidè yo. Mete fen pa mwayen lapriyè.

JOU 5 - ISTWA BIBLIK



JEZI PRIYE POU MESAJE MISION AN - Preparasyon Pou Lidè Istwa Biblik La

Enfòmasyon sa te fèt pou ede lidè Istwa Biblik la prepare li pou l pataje istwa jou a ansanm ak timoun yo. Li enpòtan pou lidè a li enfòmasyon sa epi repase pasaj ki sigjere yo.

Tout sa ke ou menm avèk lòt lidè ministè lokal ou yo te fè pandan lekòl biblik vakans Mesaje Jezi yo, se te nan preparasyon pou dènye jou sa. Jodi a timoun yo pral resevwa envitasyon pou pataje mesaj Levanjil Jezi a avèk mond lan. Se nan jou sa yo pral konvèti yo an Mesaje Mision an. Pou kèk nan timoun yo, pataje Jezi avèk mond lan kapab fè yo timid. Petèt kapab genyen pami yo ki santi yo pa gen kouraj pou fè fas ak defi a. Istwa biblik jodi a genyen bon nouvèl pou timoun sa yo ki santi yo konsa.

Pasaj biblik jodi a soti nan Jan 17. Chapit sa se yon lapriyè ke Jezi te fè. Lapriyè a genyen 3 pati. Nan premye pati a, Jezi te priye pou tèt li. Nan dezyèm pati a, Li te priye pou disip yo ki te premye moun ki te eksperyante ministè li sou tè a. Epi nan pati final la, Jezi te priye pou tout lòt moun sa yo ki ta genyen pou rive konnen non. Li ak lavi ki pap janm fini ke Li ofri a. Sa vle di ke Jezi te priye pou chak timoun ke nou genyen pou nou pataje istwa biblik Mesaje pou Jezi yo. Sa siyifi ke chak timoun kapab ale nan mond lan kòm Mesaje Mision an, konnen ke pouvwa lapriyè Jezi a ap toujou avèk yo.

Istwa—Jezi priye pou Mesaje Mision yo – Jan 17

Istwa biblik senkyèm jou a genyen yon lapriyè Jezi, men pwen santral istwa a se disip yo, ansanm ak tout lòt disip ki te mache nan tout mond lan avèk Jezi yo, menm jan ak sa yo ki te tou konnen epi mete konfyans yo nan Jezi depi lè sa, lapriyè sa se pou nou tou!

Li Jan 17:1–5, NVE

Nan kòmansman lapriyè a, Jezi te pran yon tan pou l te priye Papa l pou tèt li. Men nan fè sa, lapriyè Li a te baze sou sa ke Bondye te fè atravè Li menm pou disip Li yo. Sa ki plis enpòtan ke Bondye te fè se te pèmèt ke Jezi te pale ak disip li yo osijè de kòman yo kapab genyen lavi ki pap janm fini an avèk Li ak Papa a.

Li Jan 17:6–12, NVE

Jezi te vle anseye disip li yo kilès ke li te ye reyèlman. Èske Li te sèlman yon nonm avèk yon mesaj osijè de yon Bondye enpresyonan? Non. Jezi te plis pase sèlman yon nonm. Jezi te totalman Bondye ak lòm an menm tan. Lè Jezi te pale, vwa li se te vwa Bondye. Se poutèt sa ke mesaj Jezi a te tèlman enpòtan. Se pat sèlman mesaj yon nonm; se te mesaj Bondye a menm. Epi lè disip Jezi yo pataje mesaj Li a, yo pataje yon mesaj ki soti nan Bondye!

Li Jan 17:13–19

Vin disip Jezi pa toujou fasil. Anpil fwa se yon mision ki difisil epi ki fè moun timid. Sa konsa se paske disip Jezi yo ap viv nan yon mond ki plen ak moun ki pa konprann kilès Bondye ye ni konbyen li renmen yo ak poukisa li gen bezwen yo. Men san gade kijan moun yo panse. Disip Jezi yo genyen yon mesaj ke mond lan bezwen tande. Se pou yo ke Jezi te priye a, “Mwen pa mande w pou w retire yo nan mond lan, men pito pwoteje yo kont malen an”. Pòsyon sa nan lapriyè Jezi a te yon lapriyè pwoteksyon pou moun sa yo ki te pare pou pote mesaj Li a nan mond lan. Mesaje Mision yo kapab fè fas kare ak mond lan pliske pouvwa ak pwoteksyon Jezi ap toujou avèk yo.

Li Jan 17:20–21, NVE

De vèsè sa yo enpòtan anpil pou timoun lekòl biblik vakans yo, menm jan pou tout lòt moun sa yo ki pral pataje mesaj Jezi a. Nan pati sa, Jezi te fè yon priyè pou chak moun ki aksepte Jezi kòm Sovè. Si ou aksepte Jezi kòm Sovè ou, l'ap viv nan kè w, ebyen lapriyè sa te fèt pou ou. Jezi tèlman renmen chak mesaje li yo, se sa ki fè Li te mande Papa nan syèl la pou Li te pwoteje yo. Avèk Bondye k ap pwoteje nou, pa gen anyen pou nou pè!



JOU 5 - ISTWA BIBLIK

Li jân 17:22-26

Nan pawòl final yo, Jezi te bay disip li yo ki te deside konvèti yo an Mesaje Misyon an: 1) Li te vle pou yo te vin fè yon sèl, nan menm fason ke Jezi ak Papa se yon sèl la. Sa vle di ke lè disip yo pataje mesaj Jezi a avèk mond lan, mesaj la dwe se osijè de Jezi epi pou Jezi. Jezi dwe resevwa tout glwa. 2) Dezyèm esperans Jezi a se osijè de lavi ki pap janm fini an ke li ofri moun sa yo ki aksepte li kòm Sovè. Li tèlman renmen nou, li vle pase tan avèk nou, epi pou nou kapab eksperimante tout sa ke li genyen pou nou. 3) Esperans final Jezi pou Mesaje li yo se pou li te kapab pataje ak mond lan menm lanmou ke Li genyen pou yo a. Epi lè disip Jezi yo aksepte apèl li pou konvèti yo an Mesaje Misyon an, Jezi ap pèmèt ke lanmou Li koule atravè yo menm pou ke tout moun wè ak santi li.

Kisa nou te aprann nan istwa jodi a?

Mandè timoun yo – Èske kèk fwa nou te pran lapawòl devan anpil moun? Petèt nou te kapab nan yon teyat epi yo te mande pou nou chante. Èske genyen nan nou ki te pase pa yon sitiyasyon konsa? (Kite timoun yo pale de eksperyans yo.)

Mandè timoun yo – Leve men nou si kèk fwa nou te pè pale oubyen chante devan lòt moun (Pèmèt ke timoun yo jwenn chans pou yo reponn.)

Di timoun yo – Sa ki te leve men yo a konnen ke yo pa poukont yo. Prèske tout moun ki te egziste nan tout istwa, nan yon tan oubyen yon lòt, te santi lapèrèz lè yo te dwe pran lapawòl oubyen chante devan lòt moun. Kèk aktè ak chantè ki te fè li pandan plizyè ane di ke jouskaprezan yo santi yo pè lè yo monte sou yon podyòm.

Mandè timoun yo – Kisa yon moun kapab fè pou li pa pè pale oubyen chante devan lòt moun? (Kite timoun yo pataje eksperyans yo avèk lide yo). Pou kèk moun, domine lapèrèz yo kapab rive reyalize avèk anpil tan, eksperyans oubyen pratik.

Mandè timoun yo – Èske kèk pami nou ki genyen yon talan espesyal? (Pèmèt timoun yo pale osijè de talan yo.) **Di timoun yo** – Mwen imajine mwen ke pou anpil nan nou ki la a, pou rive gen kapasite nan talan espesyal la, sa te pran anpil tan avèk pratik. Anplis de sa, moun sa yo ki entèlijan nan sa y ap fè yo depi pou premye fwa ke yo te tante a toujou kapab fè mye avèk letan epi eseye vin pi bon.

Di timoun yo – Sa rive tou nan pataje mesaj Jezi a avèk lòt yo. L ap pi fasil pou nou an mezi ke nou fè li pi souvan. Mesaj Jezi a enpresyonan! Sèlman panse li, nou genyen opòtinite pou nou pataje avèk lòt yo gwo mirak ki pi enteresan nan tout istwa! Malgre ke li te Bondye nan syèl la, Jezi te vini tankou yon ti bebe tou piti pou viv sou latè ansanm avèk nou. Li te vini pou pataje lanmou Bondye nan fason ki enkwayab avèk tout moun. Lè li te grandi, Li te anseye lòt yo de lanmou Bondye. Li te ede moun ki genyen plizyè kalite nesosite diferan. Li te demontre tou konbyen li renmen nou lè Li mouri sou kwa kòm sakrifis pou peche nou yo. Bon nouvèl la se ke Li pa mouri! Bondye te leve li byen vivan pami mò yo epi Li te pote viktwa sou peche ak lanmò!

Jounen joudi a, si nou mande li padon pou peche nou yo, l ap fè li. Epi si nou mande l vin viv nan kè nou, l ap fè li. **Di timoun yo** – Chak fwa ke nou pataje talan espesyal nou yo avèk lòt yo, sa vin pi fasil, paske konfyans li vin grandi. Se menm bagay la ki pase lè nou pataje mesaj Jezi a avèk lòt yo. Lè nou pase tan ap konnen Jezi pi byen atravè lekti bibliik, lapriyè epi viv nan fason ke Jezi mande nou, nou menm tou nou santi nou plis konfyan lè n ap pataje mesaj Jezi a. Lè nou eksperimante mesaj enteresan Jezi a nan lavi nou, nou kapab jwenn fason ki tounèf epi enteresan pou pataje mesaj sa avèk lòt yo.

JOU 5 - VÈSÈ POU APRANN



JOU 5 - VÈSÈ POU APRANN - MESAJ NAN KÈ MWEN - EZAYI 6:8

Lekòl Biblik Vakans Mesaje Pou Jezi yo - Mesaj Nan kè Mwen - Analiz Jeneral ak Enfòmasyon Pou Lidè a Pawòl Bondye a se mesaj Bondye pou disip Li yo. Lè timoun yo sere Pawòl Bondye nan kè yo, memorize pawòl la, yo ranpli kè yo avèk gid e direksyon Bondye pou avni yo. Yo menm tou yo ranpli kè yo avèk mesaj espesyal Bondye a epi yo kapab pataje li avèk mond lan.

Jou 5 - Vèsè Pou Aprann - Ezayi 6:8

Tèm senkyèm jou Mesaje Pou Jezi yo se Misyon an. Objektif la se ede timoun yo konprann ke tout disip Jezi yo aple pou vin Mesaje. Epi misyon mesaje Jezi yo se ale epi pataje Jezi ak mond li a. Jezi prepare chak mesaje li yo avèk kapasite ak talan ki san parèy pou bay temwayaj osijè de Jezi. Sepandan, sa ki plis enpòtan pou chak mesaje se reponn apèl pou yo ale. Lè w ap ede timoun yo aprann vèsè senkyèm jou a, li menm ki soti nan liv Ezayi a, pral ede w ranfòse sa.

Ezayi 6:8 – “Aprè sa, mwen tande Seyè a ki t'ap di: -Kilès mwen ta voye la a? Kilès ki ta asepte ale pou nou? Mwen di: -Men mwen. Voye m!”

Aktivite aprantisaj biblik jodi a genyen yon objektif ki doub: 1) Ede chak timoun aprann vèsè biblik senkyèm jou a; epi 2) fè timoun yo sonje ke pataje Jezi avèk mond lan kapab yon efò ekip. Toudepann de kantite ak nivo edikasyon timoun yo, divize yo an gwou de 2, twa oubyen kat. Aprè sa, mande gwoup yo pou yo travay ansanm pou yo aprann vèsè a.

Gwoup de 2 – Mande pou youn nan timoun yo jwe wòl Ezayi a epi pou lòt la jwe wòl Bondye a.

Timoun 1 – “Aprè sa, mwen tande Seyè a ki t'ap di:”

Timoun 2 – “Kilès mwen ta voye la a? Kilès ki ta asepte ale pou nou?”

Timoun 1 – “Mwen di: -Men mwen. Voye m!”

Gwoup de 3 – Avèk gwoup de 3, fè sa:

Timoun 1 – “Aprè sa, mwen tande Seyè a ki t'ap di:”

Timoun 2 – “Kilès mwen ta voye la a? Kilès ki ta asepte ale pou nou?”

Timoun 1 – “Mwen di:”

Timoun 3 – “Men mwen. Voye m!”

Gwoup de 4 – Avèk gwoup de 4 yo, fè sa:

Timoun 1 – “Aprè sa, mwen tande Seyè a ki t'ap di:”

Timoun 2 – “Kilès mwen ta voye la a?”

Timoun 3 – “Kilès ki ta asepte ale pou nou?”

Timoun 1 – “Mwen di:”

Timoun 4 – “Men mwen. Voye m!”



JOU 5 - ATIZANA

JOU 5 - ATIZANA - MEN MESAJE YO!

Atizana jounen jodi a se pou ranfòse tèm Jou 5 lan, Mesaje Misyon an! Tèm jodi a genyen kòm objektif anchaje timoun yo pou yo vin mesaje Bon Nouvèl Jezi a. Avèk atizana jodi a, timoun yo kapab kreye imaj ke yo koupe sou pwòp men yo ki pou raple yo mesaj Jezi a ke yo kapab pataje ak mond li a.

Sa ke w ap bezwen

Distribye bay chak timoun bagay sa yo: yon plat papye, 1 oubyen 2 moso papye konstriksyon, gòm ki genyen plizyè koulè, yon moso papye blan ki mezire 6cm x 6cm, makè (oubyen kreyon), adezif ak sizò.

Pa 1 - Itilize makè oubyen kreyon yo, mande timoun yo pou yo chwazi yon koulè pou kò a (plat papye) mesaje li a. Si li prefere itilize penti, kalkile tan ke li dwe pran pou li rete tan li seche. Genyen kèk ministè ki prefere pentire plat yo depi davans.



Pa 2 - Apre sa, mande timoun yo pou yo trase fòm pla men yo sou papye konstriksyon an. Yo dwe kreye kat imaj (nan ka kote genyen timoun ki piti anpil, ou dwe genyen kèk imaj ki te deja koupe davans pou yo).



Pa 3 - Itilize adezif, mande timoun yo pou yo kole de nan men yo sou kò mesaje yo a, menm jan sa parèt nan egzanp lan. Men sa yo pral sèvi kòm zèl mesaje a.

Pa 4 - Apre sa, itilize adezif oubyen lakòl, mande timoun yo pou yo kole de fil, youn akote lòt, nan pati anba kò mesaje li a (plat papye) jan sa demontre nan egzanp lan. Se ti fil sa yo k ap pye mesaje a. Itilize yon pens papye, pandan l ap pase fil yo andedan ti twou yo.



Pa 5 - Pwochen etap la ap mande pou timoun yo itilize adezif oubyen lakòl pou kole de lòt men yo nan pati anba fil yo. Sa yo pral sèvi kòm pye mesaje a.

Pa 6 - Mande timoun yo pou yo relye pwent fil ki rete yo nan pati anba mesaje yo a jan sa parèt nan egzanp lan. Ne sa pral sèvi pou kote mesaje yo a. Yon lòt fwa ankò, ou kapab itilize yon pens pou mete fil la andedan ti twou a.

Pa 7 - Finalman, mande pou timoun yo taye yon triyang avèk papye konstriksyon ki rete a, pou kreye yon bèk. Pandan y ap itilize moso papye blan, mande pou timoun yo desine de je pou mesaje yo a. Mande yo pou yo plase bèk ak je yo nan figi mesaje a jan sa parèt nan egzanp lan.



Petèt li bon pou nou konsidere ke timoun yo ekri vèsè pou aprann Jou 5 lan, Ezayi 6:8, nan pla men yo.
"Men mwen. Voye m!"

JOU 5 - KOLASYON RAPID LA



BYENVINI NAN KOLASYON RAPID LA

Genyen yon kolasyon ki fèt pou chak jou, li menm k'ap pèmèt ou ofri timoun yo yon bon manyè pou yo eksperimente lekòl biblik vakans lan. Lide sa yo kapab mande yon seri de preparasyon, men, rezilta efò w' yo ap gen anpil enpòtans pou yo. Anpil fwa, prezidan lekòl biblik yo konn ap obsève ke plas kolasyon an pa dwe pran menm kantite tan ak lòt yo. Si sa rive, melanje li ak kèk lòt sit.

Kolasyon Jou 5 - Zye Zanj yo

Kolasyon jounen jodi a gen pou wè avèk yon manyè enteresan ak atiran pou selebre jou final Mesaje Pou Jezi yo. Non sèlman timoun lekòl biblik vakans ou yo gen pou renmen gou zye zanj yo, men tou y ap kontan lè yo bay kolasyon w lan yon touch final.

Engredyan Ki Sigjere Yo

Gwosè ak gou magdalena yo ke ou vle prepare a rete an sekre. W ap kapab itilize yon melanj fabrike oubyen si se konsa ou prefere li, ou kapab itilize pwòp resèt ou. Ou kapab deside si w vle achte revètman pou magdalena yo oubyen si ou prefere fè l oumenm. Anplis de magdalena ak revètman an, chak timoun ap bezwen de bonbon ranpli ak plizyè ti karamèl.

Kòman Pou W Fè Zye Zanj Ou Yo

Pa 1 - Bay chak timoun yon magdalena ki genyen yon tanperati ki nòmal.



Pa 2 - Pèmèt ke timoun yo plase revètman an sou magdalena yo a. Li posib pou kèk timoun bezwen èd.



Pa 3 - Ede timoun yo separe de mwatye nan bonbon ranpli yo a. Timoun yo ap bezwen de bonbon ranpli, deja ke pati ki anedan k'ap gen tandans rete kole sou youn nan mwatye yo. Mande yo pou yo plase mwatye yo avèk krèm sou magdalena yo a.

Pa 4 - Timoun yo pral itilize twa ti karamèl ki tou piti pou konplete zye ak bèk la.



Pa 5 - Mande timoun yo pou yo kase youn nan mwatye bonbon ki rete yo avèk atansyon pou yo fè zèl magdalena yo a.





JOU 5 - JWÈT KADINAL

JOU 5 - DIREKSYON KADINAL - LWÈS



Jou 5 — Lwès — San gade kote w'ap viv la, solèy la ap toujou kache nan direksyon lwès. Epi pliske solèy la kache, limyè li ban nou an ale. Si yon moun vle toujou rete anba limyè solèy la, li oblije swiv solèy la toupatou nan mond lan. Sa mande yon gran efò! Misyon nou se pote limyè Jezi a nan mond li a. Sa vle di ke nou pa dwe kite ke limyè Jezi a etèn nan kè nou. Pou nou fè sa, nou dwe kache limyè Jezi a nan mitan lavi nou, nan lapriyè, etidye Pawòl Bondye a epi swiv enstriksyon li yo.

Tèm Jou 5 lan se Mesaje Misyon an. Objektif senkyèm jou a se ede timoun yo aksepte responsablite yo pou pataje Bon Nouvèl Jezi a avèk mond lan.

Yon Mesaj Pwisan—Jwe Ki Avèk Mesaj Jezi A!

Pandan timoun yo ap prepare yo pou ale nan mond lan ak mesaj Jezi a, ou kapab itilize jwèt jou a pou w raple yo osijè de pouvwa ki genyen nan mesaj ke yo te resevwa pou yo pataje a.

Sa ke w ap bezwen: Jwèt senkyèm jou a, Jwe Boul avèk Mesaj Jezi a, koni sou non ki. Jwèt sa mande preparasyon. W ap bezwen bagay sa yo:

- *10 boutèy plastik avid (mete kèk lòt boutèy disponib pou si gen nesosite ranplase kèk lòt)
- *Sab oubyen dlo (Si w kapab jwenn sab koulè, itilize plizyè koulè diferan pou ke chak "ki" genyen yon valè diferan; ou kapab itilize dlo oukou tou).
- *Boul ki yo (olye de yon vrè boul ki, itilize yon boutèy an gòm, yon boul volebòl, foutbòl oubyen baskètbòl).

Kòman pou nou prepare jwèt la;

1. Plen chak boutèy avid yo avè 6-8 cm sab oubyen dlo. Sa ap pèmèt ke ki yo tonbe ak fòs van epi pral rann li pi fasil pou timoun yo lage yo atè. Tounen bouche boutèy yo.
2. Jwenn yon kote ki pla ki pou sèvi kòm teren ki yo.
3. Plase ki yo 3.k at ranje pandan w ap fòme yon triyang (gade dyagram ki anba a).
4. Chwazi distans depi kote timoun yo dwe voye boul la. Sa kapab varye toudepann de laj timoun yo.

Kòman nou ka jwe:

W ap kapab divize timoun yo an ekip oubyen pèmèt ke chak timoun jwe endividyèlman. Pèmèt ke chak timoun genyen de chans pou yo voye boul la epi lage atè kantite boutèy ki posib. Aprè premye opòtinite a, retire ki ki te tonbe yo. Pèmèt ke timoun nan voye boul li a pou yon dezyèm fwa. Apre sa, ekri kantite ki ke timoun nan te kapab lage atè pandan de opòtinite li yo. Si w itilize koulè pou w ba yo pwèn diferan pou chak ki, kalkile kantite pwèn ke timoun nan te fè. Apre ke chak timoun fin fè tou pa yo a, ekip la oubyen timoun ki genyen plis pwèn an se li ki chanpyon.

BOUTÈY DYAGRAM



JOU 5 - ANTRÈNMAN DISIP



Jou 5 - Antrènman Disip - Fòmasyon Pou Mesaje Yo - Pataje Jezi

Nan Matye 28:19, Jezi te di moun k ap swiv li yo konsa, "Ale epi fè disip nan tout nasyon yo". Sa se te yon apèl pou tout moun ki te la nan jou sa a, men tou se pou tout disip Jezi yo jodi a. Kòm lidè ki anchaje plas antrènman disip pou Mesaje Jezi yo, ou genyen lonè pou w reponn ak apèl Jezi pandan w ap ede timoun lekòl biblik vakans yo grandi kòm disip Jezi, pandan y ap vin tounen mesaje Jezi.



Twa premye jou yo nan depatman antrènman disip yo, yo te konsantre sou ede timoun yo swiv, imite ak konfye nan Jezi. Twa etap sa yo enpòtan pou prepare chak timoun pou konvèti yo an disip Jezi. Pandan Jou 5 lan, timoun yo pral aksepte apèl Bondye ki twouve li nan Matye 28:19. Sa se apèl pou yo y al fè disip. Lè timoun yo aprann sèvi ak imite Jezi, epi viv pou Li, lavi yo pral chanje. Benediksyon yo pral resevwa nan men Jezi yo se benediksyon ke yo pral vle pataje avèk lòt yo. Mesaje yo pa kapab evite pale avèk lèzòt yo de sa Jezi te fè pou yo!


Chak disip genyen yon istwa pou yo rakonte. Istwa sa genyen plizyè pati diferan ladan li. Chak pati chak istwa chak disip, espesyalman lè disip la pataje osijè de yon benediksyon Jezi, se yon bagay ki espesyal. Lè disip yo pataje benediksyon espesyal sa yo avèk lòt yo, moun ke yo pataje avèk yo a pral aprann yon bagay espesyal osijè de Jezi. Lè moun ki pa konnen Jezi yo tandè istwa osijè de kòman Li te beni disip Li yo, y ap genyen plis anvi pou yo konnen plis bagay sou Jezi. Petèt kapab genyen kèk pami yo ki kapab vle vin disip Jezi!

Nan dènye seksyon Gid Lidè sa a, ou pral jwenn paj Aktivite Elèv Disip 5 jou ki rele, "Kite m pale ou de Jezi!" Aktivite sa a ap bay timoun yo yon opòtinite pou pataje jan Jezi te beni yo epi l ap ede yo konsidere fason yo ka pataje benediksyon sa yo ak lòt moun.

Jou 5 - Fèy Aktivite Yo

Youn nan misyon ki plis enpòtan pou disip Jezi yo se rakonte lòt yo kòman Jezi beni yo. Nan patisipe nan aktivite sa, timoun yo ap kreye yon demonstrasyon vizyèl sou kòman Jezi te beni lavi yo. Genyen plizyè fason enteresan pou fè sa. Timoun yo kapab drese yon lis benediksyon, desine yon imaj oubyen kreye pwòp fason orijinal pou pale ak lòt yo de Jezi.

Yon fwa ke li kreye travay atizana yo a, ankouraje timoun yo jwenn yon plas espesyal pou yo ekspozè kreyasyon yo a. Chak fwa ke yo wè kreyasyon yo a, y ap kapab: 1) Fè yon kanpe pou yo priye, di Jezi mèsi pou benediksyon li yo; epi 2) Panse ak moun ke yo kapab pale osijè de Jezi, ak kòman pou yo fè li!

Ou kapab jwenn paj Aktivite a nan dènye seksyon Gid Lidè sa a. 

MESAJE POU JEZI YO - JOU 5
FÈY AKTIVITE ELÈV LA - ANTRÈNMAN DISIP

Xon nan misyon ki plis enpòtan pou disip Jezi yo se rakonte lòt yo kòman Jezi beni yo. Nan patisipe nan aktivite sa, timoun yo ap kreye yon demonstrasyon vizyèl sou kòman Jezi te beni lavi yo. Genyen plizyè fason enteresan pou fè sa. Timoun yo kapab drese yon lis benediksyon, desine yon imaj oubyen kreye pwòp fason orijinal pou pale ak lòt yo de Jezi.

PATAJE JEZI

Xon fwa ke li kreye travay atizana yo a, ankouraje timoun yo jwenn yon plas espesyal pou yo ekspozè kreyasyon yo a. Chak fwa ke yo wè kreyasyon yo a, y ap kapab: 1) Fè yon kanpe pou yo priye, di Jezi mèsi pou benediksyon li yo; epi 2) Panse ak moun ke yo kapab pale osijè de Jezi, ak kòman pou yo fè li!

KITE M' PALE OU DE JEZI!
FASON KE JEZI TE BENI MWEN



JOU 5 - FÈY AKTIVITE ELÈV YO

NON -----

JOU 5 - TÈM MESAJE MISION AN

JOU 5 - FOKIS SOU LAPRIYÈ
Chè Jezi,
ede m pataje ou avèk mond
mwèn an. Ede mwèn pou m vin
yon mesaj mision w lan.

JOU 5 - BAZ BIBLIK

Istwa biblik senkyèm jou a genyen yon lapriyè Jezi, men pwen santral istwa a se disip yo, ansanm ak tout lòt disip ki te mache nan tout mond lan avèk Jezi yo, menm jan ak sa yo ki te tou konnen epi mete konfyans yo nan Jezi depi lè sa, lapriyè sa se pou nou tou.

20 "Se pa pou yo sèlman m'ap lapriyè, men pou tout moun ki va mete konfyans yo nan mwèn lè y'a tande mesaj la. 21 M'ap lapriyè pou yo tout fè yon sèl. Papa, se pou yo tout fè yonn ansanm ak nou, menm jan ou menm ou nan mwèn, mwèn menm mwèn nan ou. Se pou yo tout fè yon sèl pou moun ki nan lemonn yo ka kwè se ou ki te voye mwèn. 22 Mwèn te ba yo menm pouvwa ou te ban mwèn an, pou yo tout te ka fè yonn menm jan ou fè yon sèl avè m' tou: 23 mwèn nan yo, ou nan mwèn, pou yo tout fè yon sèl nèt ale, pou moun ki nan lemonn yo ka rive rekonèt se ou ki te voye m', pou yo ka rive konnen ou renmen yo menm jan ou renmen m' lan."

JWENN MOS SA YO ANDEDAN SOUP LÈT YO.

P	Z	U	P	È	E	R	T	B	Q
Y	K	X	B	B	Q	V	Z	A	Z
O	I	O	Y	O	R	O	T	H	O
P	È	F	E	K	S	Y	O	N	È
H	L	R	N	W	T	E	O	A	I
A	O	È	N	A	S	K	S	B	N
F	E	Z	E	È	O	K	W	È	I
J	D	E	M	E	N	È	N	A	T
B	N	D	E	G	L	W	A	S	E

LIS MO YO
BYENNEME
KWÈ
VOYE
GLWA
PÈFEKSYON
INITE

JOU 5 - FÈY AKTIVITE ELÈV YO



ANTRÈNMAN DISIP - FÒMASYON POU MESAJE YO

Youn nan misyon ki plis enpòtan pou disip Jezi yo se rakonte lòt yo kòman Jezi beni yo. Nan patisipe nan aktivite sa, timoun yo ap kreye yon demonstrasyon vizyèl sou kòman Jezi te beni lavi yo. Genyen plizyè fason enteresan pou fè sa. Timoun yo kapab drese yon lis benediksyon, desine yon imaj oubyen kreye pwòp fason orijinal pou pale ak lòt yo de Jezi.



KITE M' PALE OU DE JEZI!
FASON KE JEZI TE BENI MWEN

JOU 5 - VÈSÈ POU APRANN

Ajoute mo ki manke yo.

" _____, MWEN TANDE _____ A KI T'AP DI:
-KILÈS MWEN TA _____ LA A?
KILÈS KI TA ASEPTÉ ALE POU _____?
MWEN ___: -MEN MWEN. _____ M'!"

EZAYI 6:8

109

MESAJE POU JEZI

MESAJE MISYON AN



APRÈ SA, MWEN

TANDE SEYÈ A KI T'AP DI:

-KILÈS MWEN TA VOYE LA A?

KILÈS KI TA ASEPTÉ ALÉ POU

NOU? MWEN DI: -MEN

MWEN. VOYE M'!!!"

EZAYI 6:8, HCV



JOU 5

MESAJE MISYON AN

JAN 17: 1-26

OU MENM AVÈK MWEN





JOU 5 - TI ISTWA BIBLIK YO



JEZI PRIYE POU MESAJE MISION YO - Preparasyon pou lidè Istwa Biblik la

Enfòmasyon sa te fèt pou ede lidè Istwa Biblik la prepare li pou l pataje istwa jou a ansanm ak timoun yo. Li enpòtan pou lidè a li enfòmasyon sa epi repase pasaj ki sigjere yo.

Tout sa ke ou menm avèk lòt lidè ministè lokal ou yo te fè pandan lekòl biblik vakans Mesaje Jezi yo, se te nan preparasyon pou dènye jou sa. Jodi a timoun yo pral resevwa envitasyon pou pataje mesaj Levanjil Jezi a avèk mond lan. Se nan jou sa yo pral konvèti yo an Mesaje Mision an. Pou kèk nan timoun yo, pataje Jezi avèk mond lan kapab fè yo timid. Petèt kapab genyen pami yo ki santi yo pa gen kouraj pou fè fas ak defi a. Istwa biblik jodi a genyen bon nouvel pou timoun sa yo ki santi yo konsa.

Pasaj biblik jodi a soti nan Jan 17. Chapit sa se yon lapriyè ke Jezi te fè. Lapriyè a genyen 3 pati. Nan premye pati a, Jezi te priye pou tèt li. Nan dezyèm pati a, Li te priye pou disip yo ki te premye moun ki te eksperimente ministè li sou tè a. Epi nan pati final la, Jezi te priye pou tout lòt moun sa yo ki ta genyen pou rive konnen non Li ak lavi ki pap janm fini ke Li ofri a. Sa vle di ke Jezi te priye pou chak timoun ke nou genyen pou nou pataje istwa biblik Mesaje pou Jezi yo. Sa siyifi ke chak timoun kapab ale nan mond lan kòm Mesaje Mision an, konnen ke pouvwa lapriyè Jezi a ap toujou avèk yo.

Istwa — Jezi priye pou Mesaje Mision yo — Jan 17

Istwa biblik senkyèm jou a genyen yon lapriyè Jezi, men pwen santral istwa a se disip yo, ansanm ak tout lòt disip ki te mache nan tout mond lan avèk Jezi yo, menm jan ak sa yo ki te tou konnen epi mete konfyans yo nan Jezi depi lè sa.

Li Jan 17:1–5, NVE

Nan kòmansman lapriyè a, Jezi te pran yon tan pou l te priye Papa l pou tèt li. Men, nan moman sa, li te priye pou disip Li yo. Li te di Bondye mèsi dèske Li te pèmèt Li te kapab pale avèk disip Li yo sou kòman yo te kapab viv avèk Li ansanm ak Papa a nan syèl la, pou toutan.

Li Jan 17:6–12, NVE

Jezi te vle tou pou disip li yo te konnen ke Li te plis ke yon nonm. Jezi te Pitit Bondye a. Lè Jezi te pale, vwa li se te vwa Bondye. Lè Jezi te konn geri malad yo, se pouvwa Bondye ki te konn geri a. Lè pèp la te wè Jezi, yo te wè Bondye. Lè yon moun pataje mesaj ki osijè de Jezi a, yo pataje mesaj osijè de Bondye ki nan syèl la tou.

Li Jan 17:13–19

Lè yon moun envite Jezi vin viv nan kè li, moun sa vin konvèti an disip Jezi tou. Anpil fwa, vin disip Jezi se pa yon bagay ki twò fasil. Men, disip Jezi yo genyen yon mesaj enpòtan pou yo pataje avèk lòt yo. Se poutèt sa ke Jezi te priye konsa: “Mwen pa mande w pou w retire yo nan mond lan, men pito, pwoteje yo kont malen an”. Lè Jezi te fè lapriyè sa, Li te mande pou Bondye pwoteje disip li yo. Li te mande Bondye pou Li te ede yo tou lè y ap bay lòt yo mesaj osijè de Jezi a. Jezi te vle pou ke tout disip Li yo te kapab vin Mesaje Mision an.

Li Jan 17:20–21, NVE

Si ou aksepte Jezi kòm Sovè ou, l'ap viv nan kè w, ebyen lapriyè sa te fèt pou ou. Jezi tèlman renmen chak mesaje li yo, se sa ki fè Li te mande Papa nan syèl la pou Li te pwoteje yo. Avèk Bondye k ap pwoteje nou, pa gen anyen pou nou pè!



JOU 5 - TI ISTWA BIBLIK YO



li Jan 17: 22–26

Jezi vle pou Mesaje Misyon li yo mete tèt yo ansanm. Chak disip fè pati ekip Jezi a, epi se pi bon ekip yo ki travay ansanm. Se pi bon ekip yo ki toujou pase tan ansanm tou. Jezi tèlman renmen chak manm ekip li yo, pou sa Li vle pase tan avèk yo. Li vle pou manm ekip Li yo pran swen youn lòt menm jan Li pran swen yo a.

Kisa nou te aprann nan istwa jodi a?

Mande timoun yo – Èske kèk pami nou ki genyen yon talan espesyal? Petèt nou kapab fè kèk defi, tankou vole sou yon sèl pye oubyen kouri vit. Èske genyen pami nou ki kapab fè yon bagay konsa? (Pèmèt timoun yo pale osijè de talan yo). **Di timoun yo** – Kèk nan nou genyen talan ki enpresyonan. E mwen sèten de ke si nou mete yo an pratik, y ap vin pi bon.

Di timoun yo – Disip Jezi yo genyen yon talan espesyal. Talan espesyal yo a se pou yo kapab pale ak lòt yo osijè de konbyen Jezi renmen yo epi vle viv nan kè yo. Jezi te mande disip Li yo pou yo te pataje bon nouvèl sa yo avèk tout mond lan. Li te pwomèt ke Li ta ede nou fè li tou.

Mande timoun yo – Ki kèk bagay ke yon moun kapab fè pou pale ak lòt yo de Jezi? (Pèmèt ke timoun yo pataje lide yo.) **Di timoun yo** – Demontre talan yo vin pi fasil ak pratik la. Se menm bagay la ki pase nan pale ak lòt moun yo de Jezi. Epi sa ki plis enpòtan se sonje ke Jezi ap la pou ede yo. Nou fè pati ekip Li a!



TI MESAJE MISYON AN



JOU 5 - TI VÈSÈ POU APRANN YO



JOU 5 - VÈSÈ POU APRANN - MESAJ NAN KÈ M NAN - EZAYI 6:8

Ti Mesaje Pou Jezi – Mesaj Nan Kè M Aan Analiz Jeneral Ak Enfòmasyon Pou Lidè A

Pawòl Bondye a se mesaj Bondye pou disip Li yo. Lè timoun yo sere Pawòl Bondye nan kè yo, memorize pawòl la, yo ranpli kè yo avèk gid e direksyon Bondye pou avni yo. Yo menm tou yo ranpli kè yo avèk mesaj espesyal Bondye a epi yo kapab pataje li avèk mond lan.

Jou 5 - Vèsè Pou Aprann - Ezayi 6:8

Tèm senkyèm jou Mesaje Pou Jezi yo se Misyon an. Objektif la se ede timoun yo konprann ke tout disip Jezi yo aple pou vin Mesaje. Epi misyon mesaje Jezi yo se ale epi pataje Jezi ak mond li a. Jezi prepare chak mesaje li yo avèk kapasite ak talan ki san parèy pou bay temwayaj osijè de Jezi. Sepandan, sa ki plis enpòtan pou chak mesaje se reponn apèl pou yo ale. Lè w ap ede timoun yo aprann vèsè senkyèm jou a, li menm ki soti nan liv Ezayi a, pral ede w ranfòse sa.

Ezayi 6:8 – *“Aprè sa, mwen tande Seyè a ki t’ap di: -Kilès mwen ta voye la a? Kilès ki ta asepte ale pou nou? Mwen di: -Men mwen. Voye m!”*

Aktivite aprantisaj bibliik jodi a genyen yon objektif ki doub: 1) Ede chak timoun aprann vèsè bibliik senkyèm jou a; epi 2) fè timoun yo sonje ke pataje Jezi avèk mond lan kapab yon efò ekip. Toudepann de kantite ak nivo edikasyon timoun yo, divize yo an gwou de 2, twa oubyen kat. Aprè sa, mande gwoup yo pou yo travay ansanm pou yo aprann vèsè a. Si byen li enpòtan pou w pataje tout vèsè a avèk timoun ki pi piti ou yo, ede yo aprann vèsyon kout sa ap ede w ranfòse vizyon senkyèm jou a.

Gwoup de 2 — Avèk gwoup 2, fè sa yo.

Timoun 1 — “Kilès mwen ta voye la a?”

Timoun 2 — “Kilès ki ta asepte ale pou nou?”

Timoun 1 — “Mwen di:”

Timoun 2 — “Men mwen. Voye m!”

Gwoup de 3 — Avèk gwoup 3, fè sa yo:

Timoun 1 — “Kilès mwen ta voye la a?”

Timoun 2 — “Kilès ki ta asepte ale pou nou?”

Timoun 3 — “Men mwen. Voye m!”

Gwoup de 4 — Avèk gwoup 4, fè sa yo:

Timoun 1 — “Kilès mwen ta voye la a?”

Timoun 2 — “Kilès ki ta asepte ale pou nou?”

Timoun 3 — “Men mwen.”

Timoun 4 — “Voye m!”



NON -----

JOU 5 - TÈM MESAJE MISION AN

JOU 5 - TI MESAJE POU JEZI YO
FOKIS SOU LAPRIYÈ

Chè Jezi,
Ede m pataje ou avèk
mond mwen an.

JOU 5 - BAZ BIBLIK

Istwa bibliik senkyèm jou a genyen yon lapriyè Jezi, men pwen santral istwa a se disip yo, ansanm ak tout lòt disip ki te mache nan tout mond lan avèk Jezi yo, menm jan ak sa yo ki te tou konnen epi mete konfyans yo nan Jezi depi lè sa, lapriyè sa se pou nou tou!

20 Se pa pou yo sèlman m'ap lapriyè, men pou tout moun ki va mete konfyans yo nan mwen lè y'a tandè mesaj la. 21 M'ap lapriyè pou yo tout fè yon sèl. Papa, se pou yo tout fè yonn ansanm ak nou, menm jan ou menm ou nan mwen, mwen menm mwen nan ou. Se pou yo tout fè yon sèl pou moun ki nan lemonn yo ka kwè se ou ki te voye mwen. 22 Mwen te ba yo menm pouvwa ou te ban mwen an, pou yo tout te ka fè yonn menm jan ou fè yon sèl avè m' tou: 23 mwen nan yo, ou nan mwen, pou yo tout fè yon sèl nèt ale, pou moun ki nan lemonn yo ka rive rekonèt se ou ki te voye m', pou yo ka rive konnen ou renmen yo menm jan ou renmen m' lan.

JEZI TE PRIYE POU MWEN



JOU 5 - TI FÈY AKTIVITE ELÈV LA YO



ANTRÈNMAN DISIP - FÒMASYON POU MESAJE YO

Yon nan misyon ki plis enpòtan pou disip Jezi yo se rakonte lòt yo kòman Jezi beni yo. Nan patisipe nan aktivite sa, timoun yo ap kreye yon demonstrasyon vizyèl sou kòman Jezi te beni lavi yo. Genyen plizyè fason enteresan pou fè sa. Timoun yo kapab drese yon lis benediksyon, desine yon imaj oubyen kreye pwòp fason orijinal pou pale ak lòt yo de Jezi.



KITE M' PALE OU DE JEZI!
FASON KE JEZI TE BENI MWEN

JOU 5 - VÈSÈ POU APRANN

Ajoute mo ki manke yo.

" _____, MWEN TANDE _____ A KI T'AP DI:
-KILÈS MWEN TA _____ LA A?
KILÈS KI TA ASEPTÉ ALE POU _____?
MWEN ___: -MEN MWEN. _____ M'!"

EZAYI 6:8